

HUMANITARNA ORGANIZACIJA
"GENESIS PROJECT"
BANJA LUKA

STATUT

HUMANITARNE ORGANIZACIJE "GENESIS PROJECT"

Banja Luka, novembra 2022. godine.

Na osnovu čl. 16. u vezi s čl. 12. Zakona o udruženjima i fondacijama („Službeni glasnik RS“ br. 52/01 i 42/2005, u daljem tekstu: Zakon) Skupština humanitarne organizacije Genesis Project (Postanje projekt), na redovnoj sjednici održanoj 11.11.2022.godine donosi

STATUT **Humanitarne organizacije “Genesis Project”**

I NAZIV I SJEDIŠTE

Član 1.

Naziv udruženja je: Humanitarna organizacija „Postanje projekt“.

Naziv udruženja na engleskom je: Humanitarna organizacija “Genesis Project”.

Sjedište udruženja je u Banjaluci, na adresi: ul. Kalemegdanska 20, Banjaluka.

Skraćeni naziv udruženja je: HO „Genesis“.

II CILJEVI HUMANITARNE ORGANIZACIJE

Član 2.

„Postanje projekt“ (“Genesis Project”) je humanitarna, nevladina, neprofitna i nestranačka organizacija građana (u daljem tekstu: „Genesis Project“).

Član 3.

„Genesis Project“ ima svojstvo pravnog lica, a konstatuje se da je prva registracija izvršena 3.2.1997. godine, nakon samog osnivanja. „Genesis Project“ osnovala je grupa od 30 studenata, profesora, zdravstvenih radnika, psihologa, školskih pedagoga, nastavnika i stručnjaka drugih profila, koji su neformalno djelovali još od 1996. godine.

Član 4.

Misija “Genesis Project” je utemeljena na uvjerenjima o dobrotvornom humanitarnom radu i saznanjima da svaki čovjek teži da pripada i živi u humanoj grupi i da je svakome ko pati najpotrebnija ljudska podrška. Misija „Genesis Project“-a glasi: „Genesis Project je nevladina humanitarna organizacija koja preko svojih profesionalaca i opredjeljenih pojedinaca pomaže djeci, mladima i odraslima širom Bosne i Hercegovine u ostvarivanju prava na slobodan i pravilan psihofizički razvoj bez obzira na vjersku, etničku i rasnu pripadnost uvažavajući sve njihove individualne razlike i potencijale“.

Član 5.

Ciljevi i zadaci humanitarne organizacije “Genesis Project” su:

- aktivnosti na sprovođenju Konvencije o ljudskim pravima i Konvencije o pravima djeteta;
- aktivnosti na prevenciji bolesti ovisnosti, polno prenosivih bolesti i AIDS-a;

- aktivnosti na prevenciji maloljetničke delinkvencije i nasilja, te stvaranja stereotipa i predrasuda;
- aktivnosti o upozoravanju na opasnost od mina, neeksplozivnih ubojnih sredstava i vatrenog oružja;
- edukativne aktivnosti usmjerene na mirno rješavanje sukoba, komunikaciju, saradnju i toleranciju;
- aktivnosti na očuvanju životne sredine i stvaranju podsticajnog životnog okruženja;
- aktivnosti usmjerene na istraživačko-razvojne programe;
- organizacija aktivnosti psihosocijalne podrške i rehabilitacije koje mogu doprinijeti rješavanju problema osoba sa patnjama, traumama, post-stresnim traumatskim poremećajima i sličnim stanjima, uz angažovano kvalifikovano osoblje u skladu sa zakonom;
- aktivnosti na istraživanju pojava i problema razvoja djece i mladih radi planiranja budućih aktivnosti;
- saradnja sa međunarodnim i nacionalnim i lokalnim organizacijama koje pomažu i doprinose realizaciji ciljeva "Genesis Project";
- organizovanje različitih oblika edukacije za djecu, mlade i odrasle koje su u funkciji njihovog razvoja i socijalizacije;
- organizovanje različitih oblika edukacije djece, mladih i odraslih, u skladu sa njihovim potrebama;
- organizacija radionica, prezentacija, treninga, seminara, okruglih stolova, itd. sa ciljem edukacije osoba u sklopu projekata koje realizuje "Genesis Project"
- bliska saradnja sa obrazovnim ustanovama (predškolskim ustanovama, osnovnim i srednjim školama, fakultetima, itd.) radi zajedničke realizacije edukativnih aktivnosti;
- publikovanje listova, brošura, letaka, knjiga, internet publikacija i drugog pisanog materijala koji može direktno i indirektno doprinijeti realizaciji ciljeva "Genesis Project" i širenju ideje "Genesis Project", u potpunoj saglasnosti sa važećim zakonima Republike Srpske i Bosne i Hercegovine;
- uspostavljenje partnerskih odnosa sa vladinim i nevladinim institucijama i organizacijama radi zajedničke realizacije edukativnih aktivnosti;
- aktivnosti na prikupljanju sredstava za realizaciju programskih aktivnosti;
- aktivnosti usmjerene na upoznavanje šire javnosti sa programom rada i aktivnostima "Genesis Project" putem javnih promocija, prezentacija, pisanih i elektronskih medija i drugih vidove komunikacije;
- aktivnosti usmjerene na uključivanje mladih u socijalni život zajednice
- aktivnosti usmjerene na zaštitu mentalnog zdravlja odraslih.

Član 6.

Humanitarne aktivnosti "Genesis Project" usmjerene su u jednakoj mjeri prema svima onim kojima mogu pomoći bez obzira na njihovu vjeru, naciju, godine, pol, seksualno opredjeljenje, rodni identitet i socijalno porijeklo.

III DJELATNOST HUMANITARNE ORGANIZACIJE

Član 7.

Osnovni statutarne ciljevi "Genesis Project" realizuju se kroz djelatnosti:

- "Genesis Project" stručnih timova za realizaciju projektnih aktivnosti
- "Genesis Project" dramskog pozorišta za djecu i mlade
- organizovanja radionica, prezentacija, treninga, seminara, okruglih stolova, tribina, i sličnih aktivnosti
- publikovanje listova, brošura, pamfleta, letaka, knjiga, internet publikacija i drugog pisanog i drugog edukativnog i informativnog materijala
- organizovanja TV i radio emisija
- snimanja edukativnog TV programa za djecu i mlade
- vršenjem drugih aktivnosti pogodnih za realizaciju statutarne ciljeva.

Član 8.

Poseban vid djelatnosti, u skladu sa statutarne ciljevima „Genesis Project“ realizuje preko stručnih timova i "Genesis Project" lutkarskog i dramskog pozorišta za djecu i mlade.

Humanitarna organizacija "Genesis Project" može da osnuje i druge razvojne i/ili istraživačke centre ukoliko se ukažu potrebe za ovim oblicima djelatnosti.

Centri iz ovog člana nemaju status posebnog pravnog lica i realizuju se kroz pojedinačne projekte.

Član 9.

„Genesis Project“ stručni timovi se organizuju kao specijalizovane jedinice humanitarne organizacije "Genesis Project" i realizuju specifične programe u posebnim grupama (djeca, omladina, odrasli i dr.). Stručni timovi se finansiraju od donacija i sličnih izvora. Program rada stručnih timova donosi Upravni odbor humanitarne organizacije "Genesis Project". Izvršni direktor humanitarne organizacije "Genesis Project" potpisuje ugovore o finansiranju stručnih timova, u vremenskom okviru trajanja pojedinih projekata. Stručni timovi rade prema odobrenom programu rada i ugovoru koji se potpiše sa donatorima i u skladu sa ovim Statutom.

Član 10.

"Genesis Project" lutkarsko i dramsko pozorište za djecu i mlade realizuje specifične programe namijenjene edukaciji djece i mladih. Finansira se od donacija i sličnih izvora. Svoje programske ciljeve ostvaruje u saradnji sa nadležnim ministarstvima. Program rada "Genesis Project" lutkarskog i dramskog pozorišta za djecu i mlade donosi Upravni odbor humanitarne organizacije "Genesis Project". Izvršni direktor humanitarne organizacije "Genesis Project" potpisuje ugovore o finansiranju "Genesis Project" lutkarskog i dramskog pozorišta za djecu i mlade, u vremenskom okviru trajanja pojedinih projekata. "Genesis Project" lutkarsko i dramsko pozorište za djecu i mlade radi prema odobrenom programu rada i ugovoru koji se potpiše sa donatorima i u skladu sa ovim Statutom.

IV OBAVLJANJE EKONOMSKIH VEZANIH AKTIVNOSTI

Član 11.

U cilju povećavanje stepena održivosti organizacije "Genesis Project" može organizovati obavljanje ekonomskih (privrednih) djelatnosti koje su neposredno povezane sa realizacijom statutarnih ciljeva, u skladu sa zakonom o udruženjima građana i drugim zakonom na način da se višak prihoda nad rashodima investira u osnovne statutarne aktivnosti.

Član 12.

Humanitarna organizacija "Genesis Project" može ostvarivati prihode za humanitarne programe: organizacijom edukacije za djecu, mlade i odrasle, pružanjem edukacije drugim organizacijama koje se bave srodnom djelatnošću, prodajom vlastitih publikacija i prodajom različitih vrsta vlastitih edukativnih usluga. Prihodi stečeni na ovaj način služiće podmirivanju osnovnih troškova, a ostatak će biti utrošen u skladu sa misijom i Statutom humanitarne organizacije "Genesis Project".

Član 13.

Humanitarna organizacija "Genesis Project" može implementirati različite projekte koji imaju krajni cilj otvaranja novih radnih mjesta na kojima rade članovi, odnosno korisnici, humanitarne organizacije "Genesis Project". Ostvarena finansijska sredstva se, pored naknade radnicima, koriste za finansiranje programa planiranih dokumentima humanitarne organizacije "Genesis Project", a u skladu sa odlukama UO Genesis Project-a.

V ORGANIZACIONI OBLICI „GENESIS PROJECT“

Član 14.

„Genesis“ može imati podružnice, kancelarije ili druge organizacione oblike u skladu sa zakonom. Podružnice, kao organizacione jedinice humanitarne organizacije "Genesis Project-a" mogu se formirati u Republici Srpskoj i u Federaciji Bosne i Hercegovine. UO donosi odluku o formiranju podružnice, kancelarije ili drugog organizacionog oblika.

Član 15.

Podružnice u svome mjestu podstiču humanitarni rad kojim se bavi humanitarna organizacija "Genesis Project", stupa u kontakte sa humanitarnim organizacijama, predlaže projekte humanitarne aktivnosti, inicira potrebe za osnivanjem centara za pomoć specifičnim grupama mjesnog stanovništva i sl. Podružnice rade prema ovom Statutu. Radom podružnice rukovodi koordinator koga imenuje UO na prijedlog izvršnog direktora.

Član 16.

Stručne timove imenuje izvršni direktor humanitarne organizacije "Genesis Project". Stručni timovi se imenuju za potrebe realizacije pojedinih programa ili aktivnosti humanitarne organizacije "Genesis Project". Članovi stručnog tima moraju biti edukovani za realizaciju planiranih aktivnosti. Oni se bave organizovanjem akcija pružanja direktne pomoći licima u potrebi.

VI PODRUČJE DJELOVANJA

Član 17.

"Genesis Project" djeluje na teritoriji Republike Srpske i Federacije Bosne i Hercegovine i sarađuje sa drugim udruženjima na teritoriji cijele Bosne i Hercegovine, kao i na teritorijama drugih država ukoliko se učlani u odgovarajuće nacionalne i internacionalne saveze i druge oblike udruživanja ili ako ostvari saradnju i partnerstvo sa tim udruženjima.

VII POSTUPAK PRIJEMA I ISKLJUČENJA ČLANOVA

Član 18.

Član humanitarne organizacije "Genesis Project" može postati svaka osoba bez obzira na godine, pol, seksualno opredjeljenje, rodni identitet, vjeru, etničku pripadnost i socijalno porijeklo, koja prihvati ovaj Statut i druga akta koja donesu organi udruženja. Odluku o prijemu u članstvo donosi Skupština udruženja.

Član 19.

Članstvo je dobrovoljno, a ostvaruje se uključivanjem novog člana u neke od već postojećih aktivnosti humanitarne organizacije "Genesis Project" ili u proces kreiranja neke od novih aktivnosti.

Član 20.

U pravilu, članovi su obavezni plaćati članarinu.

Visinu i način plaćanja članarine propisuje Skupština.

Članovi mogu biti oslobođeni plaćanja članarine pod uslovima i na način koji propisuje Skupština.

VIII PRAVA I OBAVEZE ČLANOVA

Član 21.

Prava članova su da:

- učestvuju u radu humanitarne organizacije "Genesis Project",
- da koriste sve edukativne kurseve i ostale aktivnosti koje organizuje humanitarna organizacija "Genesis Project",
- biraju i budu birani u organe humanitarne organizacije "Genesis Project",

- budu informisani o radu humanitarne organizacije "Genesis Project" u cjelini.

Dužnosti članova su:

- aktivno učestvovanje u radu humanitarne organizacije "Genesis Project",
- ponašanje i pridruživanje Statuta i odluka organa humanitarne organizacije "Genesis Project",
- čuvanje ugleda humanitarne organizacije "Genesis Project" i ideje o njenoj misiji,
- obavlja druge poslove koje mu povjeri upravni odbor u vezi sa ostvarivanjem statutarne ciljeve humanitarne organizacije "Genesis Project",
- plaćanje članarine.

Član 22.

Počasni članovi humanitarne organizacije "Genesis Project" mogu biti pojedinci i organizacije koje svojim radom izuzetno doprinose radu u skladu sa misijom humanitarne organizacije "Genesis Project".

Odluku o počasnim članstvu donosi Skupština humanitarne organizacije "Genesis Project".

Član 23.

Članstvo prestaje:

- svojevremeno istupanjem, na lični zahtjev,
- prestankom učešća u radu humanitarne organizacije "Genesis Project", bez opravdanog razloga u periodu od najmanje jedne godine.
- odlukom o isključenju u slučaju povrede Statuta humanitarne organizacije "Genesis Project".

Odluku o isključenju donosi Skupština humanitarne organizacije "Genesis Project" i ona je neopoziva.

IX ORGANI HUMANITARNE ORGANIZACIJE "GENESIS PROJECT"

Član 24.

Organi humanitarne organizacije "Genesis Project" su:

- Skupština
- Upravni odbor
- Izvršni direktor i zamjenik izvršnog direktora

Skupština

Član 25.

Skupštinu humanitarne organizacije "Genesis Project" čine osnivači i članovi "Genesis Project". Skupština se redovno sastaje najmanje jednom godišnje.

Član 26.

Skupština ima nadležnosti da:

- donosi plan i program rada Humanitarne organizacije,
- donosi Statut Humanitarne organizacije, njegove izmjene i dopune, a po potrebi i druge opšte akte udruženja;
- bira i razrješava dužnosti izvršnog direktora i zamjenika izvršnog direktora Humanitarne organizacije, kao lica ovlaštena za zastupanje;
- bira i razrješava dužnosti članove Upravnog odbora,
- pregleda i potvrđuje finansijski izvještaj i usvaja godišnji izvještaj o aktivnostima i poslovanju organizacije, pripremljen od strane izvršnog direktora ili upravnog odbora;
- donosi odluke o počasnom članstvu u humanitarnoj organizaciji "Genesis Project",
- donosi odluke o udruživanju sa sličnim organizacijama,
- odlučuje o pripajanju, razdvajanju, transformaciji, prestanku i drugim statusnim promjenama humanitarne organizacije;
- odlučuje o raspodjeli imovine organizacije, za slučaj prestanka rada;
- daje saglasnost na pravne radnje izvršene prije upisa u registar i odlučuje o drugim pitanjima koja nisu u nadležnosti drugog organa.

Član 27.

Redovna Skupština humanitarne organizacije "Genesis Project" održava se jedanput godišnje. Vanredna Skupština održava se na pismeni zahtjev Upravnog odbora ili 1/2 članova humanitarne organizacije "Genesis Project".

Skupštinu zakazuje predsjednik, a u slučaju njegove spriječenosti, potpredsjednik u roku od 15 dana od dana datog pismenog zahtjeva Upravnog odbora ili trećine članova humanitarne organizacije "Genesis Project".

Redovnom i vanrednom Skupštinom predsjedava predsjednik ili potpredsjednik Skupštine.

Pozivi za Skupštinu upućuju se delegatima 7 dana prije održavanja. Zapisnik sa Skupštine dostavlja se delegatima 30 dana nakon njenog održavanja.

Član 28.

Skupština može punovažno odlučivati ako joj prisustvuje najmanje 1/2 delegata.

Odluke na Skupštini se usvajaju aklamacijom ili tajnim glasanjem, većinom glasova prisutnih članova Skupštine. Odluku o načinu glasanja za pojedina pitanja donosi Skupština pri usvajanju svoga dnevnog reda.

Član 29.

Mandat članova u Skupštini udruženja prestaje prestankom članstva u udruženju.

Upravni odbor

Član 30.

Upravni odbor je izvršni organ koji se stara o sprovođenju ciljeva organizacije, koji su utvrđeni ovim statutom i odlukama Skupštine.

Upravni odbor ima tri člana i biraju se iz reda članova udruženja, na mandatni period od 5 godina.

Upravni odbor iz reda svojih članova bira predsjednika, potpredsjednika i sekretara Upravnog odbora.

Predsjednik upravnog odbora ima prava i dužnosti finansijskog naredbodavca.

Potpredsjednik upravnog odbora, u slučaju odsustva predsjednika, zamjenjuje predsjednika.

Upravni odbor se konstituiše, organizuje i djeluje kolektivno, uz punu ličnu odgovornost izabranih članova.

Upravni odbor je upravljački organ sa zadatkom koordiniranja i praćenja izvršenja dogovorenog programa Skupštine.

Upravni odbor je volontersko tijelo, a članovi Upravnog odbora ne mogu imati bilo kakve direktne ili indirektno koristi koje bi proizilazile iz njihovog rada u Upravnom odboru.

Upravni odbor je mjesto dogovaranja i organizovanja akcija i svojim sastavom, sadržinom i načinom rada treba da podstiče i stvara uslove za što konstruktivniji uspjeh Organizacije.

Odluke se donose većinom prisutnih članova Upravnog odbora.

Član 31.

Upravni odbor vrši sljedeće poslove:

- rukovodi radom organizacije između dvije sjednice Skupštine i donosi odluke radi ostvarivanja ciljeva organizacije,
- priprema sjednice Skupštine,
- utvrđuje nacрте i prijedloge statuta, odluka i drugih akata koje donosi Skupština humanitarne organizacije "Genesis Project",
- organizuje redovno obavljanje djelatnosti organizacije,
- utvrđuje prijedloge odluke o organizaciji humanitarne organizacije "Genesis Project" i drugim važnim pitanjima,
- utvrđuje prijedloge počasnih članova i saradnika,
- osigurava da se ciljevi i misija humanitarne organizacije "Genesis Project" poštuju i promoviraju u svim aspektima rada,
- izvršava programe rada, odluke, zaključke, preporuke i smjernice Skupštine,
- povjerava posebne poslove pojedinim članovima,
- upravlja poslovima humanitarne organizacije "Genesis Project" kao organ upravljanja imovinom i sredstvima humanitarne organizacije "Genesis Project",
- donosi finansijske odluke,
- utvrđuje prijedlog plana i završnog računa,
- razmatra izvještaje o aktivnostima i finansijskom poslovanju humanitarne organizacije "Genesis Project" svakih šest mjeseci,
- predlaže inovacije u planovima i aktivnostima misije humanitarne organizacije "Genesis Project",
- podnosi izvještaje o svom radu Skupštini humanitarne organizacije "Genesis Project" jednom godišnje,
- donosi odluke o osnivanju podružnica i novih centara i odlučuje o drugim pitanjima koja nisu u nadležnosti Skupštine.

Član 32.

UO se sastaje po potrebi, a najmanje jedanput u tri mjeseca. Materijale i administraciju UO priprema i vodi administracija humanitarne organizacije "Genesis Project".

Član 33.

UO donosi odluke većinom glasova ukupnog broja članova.

Član 34.

Prestanak članstva u UO nastaje:

- istekom mandata,
- ostavkom,
- isključivanjem zbog neobavljanja dužnosti,
- višekratnog ne odazivanja na sjednice, bez opravdanog razloga.

Izvršni direktor i zamjenik izvršnog direktora

Član 35.

Izvršni direktor odgovara za zakonitost rada „Genesis Project-a“.

Izvršni direktor je glavno i odgovorno lice za službene i administrativne poslove humanitarne organizacije "Genesis Project".

Izvršni direktor naročito obavlja sljedeće poslove:

- službeno predstavlja humanitarnu organizaciju "Genesis Project",
- upravlja imovinom i sredstvima humanitarne organizacije "Genesis Project",
- organizuje i rukovodi radom humanitarne organizacije "Genesis Project",
- organizuje sa ostalim zaposlenim uvećanje fondova i sredstva udruženja,
- odlučuje o prijemu u radni odnos, otpuštanju zaposlenih,
- odlučuje o angažovanju saradnika, uključujući volontere,
- prati finansijsko poslovanje humanitarne organizacije "Genesis Project",
- planira razvoj programa,
- ostvaruje kontakte sa donatorima,
- izvještava o realizaciji programa,
- prati finansijsko poslovanje humanitarne organizacije "Genesis Project",
- izvršava u skladu sa ovim Statutom odluke Skupštine, UO i drugih organa humanitarne organizacije "Genesis Project",
- vrši kontrolu rada zaposlenih u humanitarnoj organizaciji "Genesis Project",
- predstavlja humanitarnu organizaciju "Genesis Project" u pravnom prometu, javnosti i štiti njen ugled,
- priprema materijale za organe humanitarne organizacije "Genesis Project".

Izvršni direktor se imenuje na mandatni period od 5 godina i može biti biran više puta.

Član 36.

Udruženje na isti mandatni period imenuje zamjenika izvršnog direktora koji je takođe lice ovlašteno za zastupanje udruženja, s pravima, obavezama i odgovornostima izvršnog direktora.

Zamjenik izvršnog direktora se u pravilu imenuje iz reda zaposlenih, a njegovi poslovi su:

- po potrebi zamjenjuje izvršnog direktora i obavlja konkretne radne obaveze koje utvrdi izvršni direktor,
- planira i u saradnji sa članovima humanitarne organizacije "Genesis Project" radi na razvoju programa organizacije,
- prati finansijsko poslovanje humanitarne organizacije "Genesis Project"
- praćenje i realizacija svih projekata,
- koordinira rad projekt menadžera,
- vrši kontrolu rada zaposlenih u humanitarnoj organizaciji "Genesis Project", po nalogu izvršnog direktora,
- sarađuje u iznalaženju sredstava,
- učestvuje u edukacijama iz programa humanitarne organizacije "Genesis Project",
- predstavlja humanitarnu organizaciju "Genesis Project" u pravnom prometu, javnosti i štiti njen ugled, u odsutnosti direktora,
- prezentira programe organizacije prema domaćim i stranim donatorima.

X SUKOB INTERESA

Član 37.

Član Skupštine, Upravnog odbora ili drugog tijela, ne može glasati o stvarima u kojima njegovi imovinski interesi, interesi njegovog bračnog druga ili njegovog srodnika do trećeg stepena mogu biti u suprotnosti sa interesima organizacije, niti u stvarima koje se odnose na pravno lice koje je pod kontrolom dotičnog člana, ili u kojem on ima imovinski interes.

XI ZAPOSLENI

Član 38.

„Genesis Project“ može imati sekretara.

Sekretara imenuje izvršni direktor, a njegovi poslovi su:

- neposredno prati sve projekte koji se realizuju u humanitarnoj organizaciji "Genesis Project",
- učestvuje u evaluaciji pojedinih projekata i učestvuje u edukaciji saradnika humanitarne organizacije "Genesis Project",
- koordinira, organizuje i rukovodi radom stručnih timova,
- učestvuje u pripremanju izvještaja o realizaciji pojedinih projekata
- rade i druge poslove po potrebi.

Član 39.

Finansijskog menadžera imenuje izvršni direktor, a njegovi poslovi su:

- da odgovara za finansijsko poslovanje izvršnom direktoru i donatorima,
- da sarađuje sa voditeljima projekata i knjigovodstvenim biroom,

- da bude angažovan i za vođenje finansija pojedinih projekata.

Član 40.

Projekt menadžere imenuje izvršni direktor i njegovo angažovanje je vezano za trajanje projekata. Odgovorni su za njegovu implementaciju i izvještavanje. Za svoj rad su odgovorni izvršnom direktoru.

Član 41.

Organizacija može imati i druga zaposlena lica.
Akt o sistematizaciji zaposlenih izvršni direktor.

XII SREDSTVA

Član 42.

Humanitarna organizacija "Genesis Project" i njena misija kao humanitarna, neprofitabilna i nevladina organizacija finansira se od:

- donacija domaćih i stranih fizičkih i pravnih lica,
- finansijskih sredstava iz budžetskih dotacija i poreza,
- subvencija,
- zakupnina,
- dobrovoljnih priloga i poklona,
- prihoda ostvarenih realizacijom ciljeva i aktivnosti iz vlastitih vezanih ekonomskih djelatnosti,
- članarine,
- drugih izvora prihoda u skladu sa zakonom.

Organizacija vodi poslovne knjige, u skladu sa zakonom.

Upravni odbor je organ koji nadzire zakonito korištenje sredstava organizacije, u smislu čl. 12. st. 1. al. 7. Zakona o udruženjima i fondacijama.

XIII FINANSIJSKO POSLOVANJE

Član 43.

Finansijsko poslovanje se vodi prema važećim pozitivnim zakonskim propisima i zakonima o finansijskom poslovanju udruženja građana u Republici Srpskoj.

Za zakonitost u finansijskom poslovanju humanitarne organizacije "Genesis Project" odgovoran je izvršni direktor humanitarne organizacije "Genesis Project", a u njegovom odsustvu zamjenik direktora.

XIV PEČAT I ZNAK

Član 44.

Humanitarna organizacija "Genesis Project" ima svoj pečat i znak.

Organizacija ima pečat okruglog oblika prečnika 30 mm na kome je koncentričnim krugovima upisan pun naziv organizacije i njeno sjedište. Na gornjem obodu kruga je ispisano ćirilicom i velikim slovima: "POSTANJE PROJEKT", na donjem obodu ispisano je sjedište organizacije: "BANJA LUKA", u sredini kruga ispisano je latinicom: "GENESIS PROJECT".

Organizacija ima znak koji čine 4 djela. I dio je tekstualni - ime organizacije, II dio su kvadrati koji uokviruju ime organizacije, III dio je knjiga i IV dio je sunce.

XV ZASTUPANJE I PREDSTAVLJANJE HUMANITARNE ORGANIZACIJE "GENESIS PROJECT"

Član 45.

Izvršni direktor i zamjenik izvršnog direktora zastupaju humanitarnu organizaciju "Genesis Project" u pravnom prometu prema trećim licima.

Organizaciju može zastupati i drugo lice koje odredi UO, o čemu donosi posebnu odluku.

XVI ADMINISTRATIVNE I DRUGE SLUŽBE ILI TIMOVI

Član 46.

Za obavljanje administrativnih i razvojno-tehničkih poslova humanitarna organizacija može formirati administrativnu i razvojno-tehničku službu. Rad ovih službi će biti uređen posebnim pravilnikom, koji donosi UO.

Član 47.

Organizacija može zaključiti ugovore o angažovanju stručnih saradnika za rad u centrima. Stručni saradnici se mogu angažovati i za samo određene poslove radi realizacije pojedinačnih projekata. Stručni saradnici ne moraju biti članovi udruženja, niti zaposleni u udruženju.

XVII IZVJEŠTAVANJE I JAVNOST RADA

Član 48.

Rad organizacije je javan.

Obavješćavanje o radu organizacije vrši se putem štampe, elektronskih medija, konferencija za štampu, te informativnog materijala i ostalih sredstava informisanja.

Javnost se može isključiti u cilju zaštite privatnosti članova ili korisnika usluga.

XVIII PRESTANAK RADA

Član 49.

Organizacija se osniva na neodređeno vrijeme sve dok za to postoji interes članova i potrebe zajednice u vezi sa statutarnim ciljevima.

Član 50.

Organizacija prestaje sa radom na osnovu odluke Skupštine, ili u slučajevima utvrđenim Zakonom.

XIX IZMJENE I DOPUNE STATUTA

Član 51.

Upravni odbor ili najmanje trećina članova udruženja može pokrenuti postupak za izmjene i dopune statuta. Prijedlog izmjena i dopuna statuta utvrđuje Upravni odbor, najmanje deset dana prije održavanja Skupštine na kojoj statut treba biti usvajan. Izmjene i dopune statuta usvaja Skupština dvotrećinskom većinom prisutnih članova.

XX PRESTANAK RADA I SUDBINA IMOVINE

Član 52.

U slučaju prestanka rada humanitarne organizacije "Genesis Project" Skupština odlučuje o sudbini imovine, a nakon izmirenja zakonskih obaveza. Imovina Organizacije će biti prenesena jednom ili više udruženja koji imaju iste ili slične programske ciljeve.

XXI PRELAZNE I ZAVRŠNE ODREDBE

Član 53.

Pitanja koja nisu utvrđena ovim Statutom, a pojave se kao značajna za rad i djelovanje Organizacije regulisaće se posebnom odlukom Skupštine ili Upravnog odbora.

Član 54.

Ovaj Statut stupa na snagu danom upisa promjena u registar udruženja građana. Stupanjem na snagu ovog Statuta prestaje važenje ranijeg Statuta.

Broj: 11/11-DP-4/2022

Banja Luka, 11. novembra 2022. godine

Humanitarna organizacija "Genesis Project"
Predsjednik Skupštine,
Goran Radić



Goran Radić

Na osnovu člana 10. Pravilnika o jedinstvenom registru udruženja i fondacija, konstatuje se da je kod Osnovnog suda u Banjoj Luci odobren upis u registar udruženja HUMANITARNA ORGANIZACIJA GENESIS PROJECT, sa sjedištem u Banjoj Luci, upisanog u jedinstveni registar udruženja građana kod Osnovnog suda u Banja Luci, rješenjem broj F-1-185/02 od 3.10.2002. godine.

Rješenjem broj F-1-185/02 od dana 16.1.2023. godine odobren je upis promjena u jedinstvenom registru udruženja građana kod ovog suda, promjena lica ovlaštenih za zastupanje i predstavljanje i upis novog Statuta udruženja HUMANITARNA ORGANIZACIJA GENESIS PROJECT, sa sjedištem u Banjoj Luci, Kalemegdanska 20.

Banja Luka, 22.2.2023. godine



SUDIJA
Tatjana Čorni